

春秋左氏傳

春秋經傳集解哀下第卅

杜氏盡廿七年

經十有四年春西狩獲麟姦

小邾射以句繹來奔夏四

月齊陳恒執其君寘于舒

州庚戌叔還卒五月庚申
朔日有食之陳宗豎出奔
楚宋向魋入于曹以叛莒
子狂卒六月宋向魋自曹
出奔衛宋向巢來奔齊人
弑其君壬于舒州秋晉趙

鞅帥師伐衛八月辛丑仲
孫何忌卒冬陳宗豎自楚
復入于陳陳人殺之陳轅
買出奔楚有星孛饑
傳十四年春西狩於大野
叔孫氏之車子鉏商獲麟

以爲不祥以賜虞人仲尼
觀之曰麟也然後取之小
邾射以句繹來奔曰使季
路要我吾無盟矣使子路
子路辭季康子使冉有謂
之曰千乘之國不信其盟

而信子之言子何辱焉對
曰魯有事于小邾不敢問
故死其城下可也彼不臣
而濟其言是義之也由弗
能齊簡公之在魯也闕止
有寵焉及即位使爲政陳

成子憚之驟顧諸朝諸御
鞅言於公曰陳闕不可並
也君其擇焉弗聽子我夕
陳逆殺人逢之遂執以入
陳氏方睦使疾而遺之潘
沐備酒肉焉饗食守囚者
卒

酉

而殺之而逃子我盟諸陳
於陳宗初陳豹欲爲子我
臣使公孫言己己有喪而
止旣而言之曰有陳豹者
長而上僂望視事君子必
得志欲爲子臣吾憚其爲

人也故緩以告子我曰何
害是其在我也使爲臣他
日與之言政說遂有寵謂
之曰我盡逐陳氏而立女
若何對曰我遠於陳氏矣
且其違者不過數人何盡

逐焉遂告陳氏子行曰彼
得君弗先必禍子子行舍
於公宮夏五月壬申成子
兄弟四乘如公子我在幄
出逆之遂入閉門侍人禦
之子行殺侍人公與婦人

飲酒于檀臺成子遷諸寢
公執戈將擊之大史子餘
曰非不利也將除害也成
子出舍于庫間公猶怒將
出曰何所無君子行抽劒
曰需事之賊也誰非陳宗

所不殺子者有如陳宗乃
止子我歸帥屬徒攻闔與
大門皆不勝乃出陳氏追
之失道於弇中適豐丘豐
丘人執之以告殺諸郭關
成子將殺大陸子方陳逆

請而免之以公命取車於
道及郛衆知而東之出雍
門陳豹與之車弗受曰逆
爲余請豹與余車余有私
焉事子我而有私於其讎
何以見魯衛之士東郭賈

奔衛庚辰陳恒執公于舒
州公曰吾早從鞅之言不
及此宋桓魋之寵害於公
公使夫人驟請享焉而將
討之未及魋先謀公請以
安輦易薄公曰不可薄宗邑

也乃益安輦七邑而請享公
焉以日中爲期家備盡往
公知之告皇野曰余長魑
也今將禍余請即救司馬
子仲曰有臣不順神之所
惡也而況人乎敢不承命

不得左師不可請以君命
召之左師每食擊鐘聞鐘
聲公曰夫子將食既食又
奏公曰可矣以乘車往曰
迹人來告曰逢澤有介麋
焉公曰雖魍未來得左師

吾與之田若何君憚告子
野曰嘗私焉君欲速故以
乘車逆子與之乘至公告
之故拜不能起司馬曰君
與之言公曰所難子者上
有天下有先君對曰黷之